

- IV. ADMINISTRACIÓN LOCAL - IV.2 MUNICIPAL - PORTO DO SON

ANUNCIO Pág. 15432 Reg. 15660-0.

Anterior

Siguiente

Aprobación definitiva ordenanzas

Aprobadas definitivamente a creación e modificáñons das ordenanzas fiscais reguladoras que a continuación se detallan, posto que non se produciron reclamacións contra as mesmas, públicanse integralmente, dando cumprimento ó establecido no artigo 17.4 do Real Decreto Lexislativo 2/2004, de 5 de marzo polo que se aproba o texto refundido da Lei Reguladora das Facendas Locais

ORDENANZA FISCAL NÚMERO 22 REGULADORA DA TAXA POLA PRESTACIÓN DE SERVIZOS DAS ESCOLAS DEPORTIVAS.-Pola Presidencia dáse conta do establecemento da presente ordenanza que obedece a dúas razóns técnicas: que segundo os criterios do servizo de Intervención o prezo que se cobra aos usuarios por estes servizos ten que configurarse como unha taxa, non un prezo público como ata o de agora. E logo incorporar a cota para o seguro que se estaba cobrando aos usuarios dentro do importe da taxa. Sométese á consideración do Pleno.

O texto íntegro da devandita Ordenanza é o que segue:

"Artigo 1º.- Fundamento legal e obxecto

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, Reguladora das Bases do Réxime Local, e de conformidade co disposto nos artigos 15 a 19 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, o Concello de Porto do Son establece a Taxa pola prestación do servizo das escolas deportivas municipais, que se rexerá pola presente Ordenanza Fiscal, atendendo as súas normas ao disposto no artigo 57 do citado Real Decreto Lexislativo.

Artigo 2º.- Feito imponible

Constitúe o feito imponible desta taxa a prestación do servizo das escolas deportivas organizadas polo Concello de Porto do Son.

Artigo 3º.- Beneficios fiscais

Estarán exentas de pagamento as persoas que perciban algún tipo de asistencia polos Servizos Sociais do Concello de Porto do Son e cumpran os seguintes requisitos económicos, de acordo cas normas de xestión do artigo 8º.

MEMBROS DA UNIDADE DE CONVIVENCIA	INGRESOS NETOS ANUAIS
1	6.162,00 euros
2	8.729,50 euros
3	11.279,00 euros
4	13.351,00 euros
5 ou máis	15.405,00 euros

Ós efectos deste artigo, entenderase por unidade de convivencia a formada polas persoas que viven no mesmo domicilio e así conste no certificado de convivencia expedido polo Concello.

Artigo 4º.- Suxetos pasivos

Son suxeitos pasivos desta taxa, a título de contribuiente, as persoas físicas ou xurídicas e as entidades a que se refire o artigo 36 da Lei 58/2003, de 17 de decembro, Xeral Tributaria, que soliciten ou resulten beneficiadas ou afectadas a prestación do servizo de escolas deportivas municipais.

Artigo 5º.- Responsables

1.-Responderán solidariamente das obrigas tributarias do suxeito pasivo, as persoas físicas e xurídicas a que se refire o artigo 42 da Lei 58/2003, de 17 de decembro, Xeral Tributaria

2.-Serán responsables subsidiarios os administradores das sociedades e os síndicos, interventores ou liquidadores de crebas, concursos, sociedades e entidades en xeral, nos supostos e co alcance que sinala o artigo 43 da Lei 58/2003, de 17 de decembro, Xeral Tributaria

Artigo 6º.- Cota tributaria

Establécense as seguintes tarifas:

Nº	TIPO DE COTA	TARIFA
1.1	Aboamento individual/actividade	8,25 euros/mes
1.2	Aboamento irmán menor de idade dun aboado/actividade	4,15 euros/mes

1.3 Socios do ximnasio municipal/actividade	4,15 euros/mes
---	----------------

A duración das escolas deportivas determinaranse con anterioridade ó seu inicio por acordo da Alcaldía, de modo que a cota de inscrición ou importe total da taxa será o resultado de multiplicar a tarifa mensual polo número de meses de duración da actividade.

Artigo 7º.- Devengo

O período impositivo coincidirá co período de desenvolvemento da escola deportiva correspondente ao período de disfrute da mesma, no caso de inscrición posterior ó seu inicio ou baixa anterior ó seu remate.

O devengo terá lugar o primeiro día do período impositivo.

Artigo 8º.- Normas de xestión

1. 1. O pagamento da taxa realizarase mediante algúns dos seguintes sistemas que serán elixidos polo solicitante no momento da inscrición:

a. Pagamento do importe total da taxa polo réxime de autoliquidación no momento da inscrición polos medios que se indican no apartado segundo deste artigo.

b. Pagamento do 50 por cento do importe total da taxa no momento da inscrición, en concepto de liquidación provisional. No mes de febreiro aprobarase polo Concello a liquidación definitiva da taxa, da que se ingresará o importe total deducido o ingreso derivado da liquidación provisional. Este último pago deberá realizarse necesariamente por domiciliación bancaria, autorizada no momento da inscrición. A falta de dita autorización dará lugar á imposibilidade de matriculación ca modalidade do pago fraccionado.

2. Sen prexuízo do establecido no apartado anterior, o pagamento da taxa poderá realizarse mediante calquera das seguintes formas:

a. a. Pagamento na Tesourería do Concello

b. b. Ingreso no número de conta bancaria establecido ó efecto

3. O falta de pagamento de calquera das contías esixibles da taxa, causará imposibilidade de acceso ou baixa do usuario na escola deportiva na que se producise tal falta de pagamento, debendo proceder, se desexa continuar na mesma, á formalización e ingreso dunha nova cota da matrícula.

4. En caso de matriculación posterior ó inicio da escola deportiva e/ou baixa anterior ó seu remate, a cota tributaria ratearase en meses naturais, sen prexuízo das normas ou requisitos que se establezan para ditos supostos de alta ou cese.

5. Para disfrutar da exención prevista no artigo 3º da presente Ordenanza, deberá presentarse con anterioridade á matriculación, informe dos Servizos Sociais do Concello e Resolución do órgano competente, que aprobe algúns tipos de actuación, asistencia ou axuda por parte deste Departamento ó usuario. Así mesmo, deberá presentarse o certificado da Axencia Tributaria dos ingresos percibidos polas persoas integrantes da unidade de convivencia no exercizo anterior e certificado de convivencia expedido polo Concello.

6. Os beneficios fiscais, unha vez aprobados polo órgano competente, non terán efectos retroactivos, comezando a súa aplicación na data de devengo inmediatamente posterior á aprobación do beneficio fiscal.

Artigo 9º.- Infraccións e sancións

Para a cualificación das infraccións tributarias, así como das sancións que ás mesmas lles corresponden en cada caso, estarase ó disposto nos artigos 183 e seguintes da Lei 58/2003, de 17 de decembro, Xeral Tributaria.

DISPOSICIÓN DERROGATORIA

A presente Ordenanza derroga os seguintes artigos da Ordenanza sobre a regulación económica das escolas e actividades deportivas municipais:

- Artigos 1, 2, 3 e 4
- Apartado 2º do artigo 6

DISPOSICIÓN FINAL

A presente Ordenanza foi aprobada polo Pleno en sesión celebrada en data de 30 de setembro de 2005, entrando en vigor ó día seguinte ó da publicación da súa aprobación definitiva no Boletín Oficial da Provincia, permanecendo en vigor ata a súa modificación ou derogación expresa".